

串雅外編卷二

錢塘趙學敏恕軒輯纂

針法門

糊礮癆

小兒有此症求食不止終夜不睡用針刺兩手面中三指中節能曲處周歲者用中號針六七歲用大號針刺進半分許過骨微位即拔出不可誤針筋上若瘡甚無水刺數日方有白水不甚者即有白漿刺數日隨有血一指有血一指不刺二指有血停此二指不刺若六指俱有血病痊不復刺矣凡刺須隔一日俟天晴雨則無益刺後即得睡減食饒忌棗栗乾甜果物則復發如初刺有血非此症矣

挑悶疹子

分開頂門內有紅筋紅瘰挑破即止

喉痺

覓紅上紅疙瘩用針挑破即愈

百發神針 治偏正頭風漏肩鶴膝寒濕氣半身不遂手足癱瘓痞塊腰痛小腸疝氣癰疽發背對口發痰核初起不破爛俱可用針按穴針之真神妙百中

乳香 沒藥 生川附子 血竭 川烏 草烏 檀香末 降香

末 大貝母 麝香錢各三 母丁香四九粒 淨蘄艾綿一兩或二兩 作針

消癰神火針

蜈蚣一條 木鼈 五靈脂 雄黃 乳香 沒藥 阿魏 三棱 蓬

朮 甘草 皮硝錢各一 鬧楊花 硫黃 山甲 牙皂錢各二 麝香錢三

甘遂五分 艾絨二兩 作針

陰症散毒針

乳香 沒藥 羌活 獨活 川烏 草烏 白芷 細辛 牙皂

硫黃 山甲 大貝 靈脂 肉桂 雄黃錢各一 蟾酥 麝香分三

艾絨一作針

灸法門

醫小兒

小兒目視不轉睛指甲黑作鴉聲是死形無可治惟用此法灸十灸
十生將左右兩手灣處各灸一穴左右兩脚指將第二脚指縫頭處
亦必各灸一灸將痰瀉出即回生奇妙不可言醫小兒之神灸也

雞爪風

婦人月家得此不時發手足及指拘攣拳縮如雞爪頗疼痛急于左
右膝蓋骨下兩傍各有小窩共四穴俗謂鬼眼各灸三壯立愈

乾霍亂死灸法

心頭微熱者以鹽填臍內納艾炙不計數以醒為度

附子灸

癰疽久漏瘡口冷膿水不絕內無惡肉以大附子水浸透切大片厚三分安瘡口艾隔灸數日一灸至五六七次服內托藥自然長滿為末作餌用亦甚可

黃蠟灸 治癰疽等毒

白麵水和成塊照毒根盤大小作圈厚一指高寸餘粘肉上外以絹帛加濕布圍住將黃蠟搗薄片入麵圈內以熨斗火運逼蠟化即痛則毒淺若不覺至蠟滾沸逐漸添蠟俟不可忍沃冷水候凝瘡勿痛者毒盛灸未到也不妨再灸輕三次重三四次忌房事氣惱發物

灸癰

日中時灸病處影上三炷灸之咒曰癰中蟲毛戎戎若欲治待日中

又法

八月八日出時令病人正向東面戶內長跪平舉兩手持胸兩邊取肩頭小垂際骨宛宛中灸之兩火俱下各三壯若七壯十壯愈灸耳聾

濕土瓜根削平寸塞耳內以艾灸七壯每旬一灸乃愈

疝氣偏墜

淨草一條量患人口兩角為一則摺斷如此三則摺成二角如么字樣以一角安臍中心兩角安臍下兩旁尖盡處是穴若患在左灸右在右灸左兩邊俱患兩穴皆灸艾炷如麥粒大灸十四壯或二十一壯即安又灸兩足三陰交穴尤效

灸癰疽

男左女右以篋一根前齊中指端後至手腕橫紋凹中截斷為準却

以竹一根兩頭攔起令病人騎之兩足不著地挺身正坐將前篾植于竹上以正頭植骨脊中盡處各開一寸名騎竹馬法灸七壯灸畢宜用乳香真萊豆粉為末調服之以防火氣入心

胡桃灸 破傷風及瘋犬傷神效

胡桃壳半箇填稠人糞滿仍用槐白皮襯扣傷處以艾灸之遍身真汗其人大困即愈遠人者將傷處如前灸之亦愈

雞子灸 凡毒初起紅腫無頭

雞子煮熟對劈去黃用半箇合毒上以艾灸三壯即散若紅腫根盤大以鴨蛋如法灸亦可

苦瓠灸

擇神人不在日空心用井花水調百藥煎末一碗服之微利却用秋壺盧一名若不老生在架上而苦者切片置瘡上灸二七壯蕭端式

病此連年一灸遂愈

桑木灸

治癰疽發背不起發或瘡肉不腐潰及陰瘡瘰癧流注癰瘡頑瘡惡瘡久不愈俱用此灸之未潰則拔毒止痛已潰則補接陽氣亦取其通關節去風寒火性暢達出鬱毒之意乾桑木劈成細片扎作小把然火吹息患處每吹片時以瘡肉腐動為度內服補托藥誠良方也

梔灸 治乳腫

梔一箇用燈草四根十排梔內頭各露寸許再用紙條一寸五分濶用水濕了蓋梔內燈草下紙與梔口齊將梔覆患處留燈草頭在外艾一大團放梔底火灸之艾盡再添至梔內流水氣內覺痛止方佳甚者次日再灸一次必消

灸目

正月十六日用川椒末一二分入頭垢和為蠶豆大四之似窩置于
眼角別揉熟艾米粒大內凹中每眼灸七壯或九壯如此俟清明日
照前後灸之連灸三年則目加精采至老不昏

麻葉灸

七月七日採麻花五月五日採麻葉搗作炷圖灸瘡上百壯次燒胡
桃松脂研敷即愈

熏法門

鵝掌風

真蘄艾四五兩將水三四碗煮五六次入大口瓶內盛之用麻布雙
層縛瓶口將手心放瓶上熏之如藥冷再熏如神

蜈蚣咬

杉木皮或枝燒烟熏立刻止痛比蜘蛛尤妙

牛皮餅

水銀

一錢五分

芒香

一錢五分

大棗

七枚

同搗爛為四丸每夜重一丸效

口眼歪斜

巴豆

三粒

麝香

分三

共研將熱水二鍾藥藏鍾底放手心右斜放左手心

左斜放右手心

久病截瘡

老薑兩斤搗爛置于滾水一大桶內坐布帳中脫衣坐卧桶上熏透

即愈第一禁風

症不脫齰

燒乳香熏之

蟲牙

天仙子一撮入小口瓶內燒烟竹筒引烟入蟲孔內熏即死永不發

又天仙子入瓶內熱湯淋下口含瓶口令氣熏之冷更作盡三合乃止有津涎可去甚效

頭風插耳

黃蠟兩溶化以白紙濶五寸長二寸在蠟上拖勻其斷又揉軟薄攤蠟上卷為筒插耳內一頭火點燃烟氣透腦其痛即止左痛插右右痛插左至重不過二次

喉痺

蓖麻子研爛紙卷作筒燒烟熏吸即通或取油作搽尤妙名聖烟筒喉痺緊急用此即破

喉症開關

牙皂 巴豆 各等分為末米湯調刷紙上晒乾作搽子點火以烟熏鼻立能開口鼻流涕治十八種喉閉

小兒脫肛

五倍子先以倍子艾絨卷成筒放使桶內以瓦盛之令病者坐桶上以火點著使烟熏入肛門其肛自上隨將白礬研末搽之其肛自緊再不復發

霍亂轉筋 身冷心中下微溫者

硃砂

二兩研

蠟

二兩

和丸

著于火籠中熏之周圍厚覆勿令烟洩兼床下著火令腹微暖良久當汗出而醒

疥瘡

熟蘄艾

三兩

木鼈子

三錢

雄黃

二錢

硫黃

一錢

為末

揉入艾中

分作四條

每一

條安陰陽瓦中置被裏熏後服通聖散

癰瘰頑風 骨節疼痛下元虛冷諸風痔漏下血一切風瘡

川烏頭

草烏頭

兩頭尖

各三錢

硫黃

麝香

丁香

各一錢

木鼈子

五石為末以熟蘄艾揉軟合一處鈔底包裹重病處名雷丸

手足風痛 冷痛如虎咬者

樟木屑斗流水石煎極滾泡之乘熱安足于桶上熏之以草鷄圍住
勿令湯氣入目異功甚捷

拳毛倒睫

無名異末紙卷作點燈吹殺熏之睫自起

破傷風 口噤身強

肉蓯蓉切片晒乾用一小盞底上穿穴燒烟熏患處累效

咳嗽熏法

熏黃兩以蠟紙条卷作筒十枚燒烟吸烟取吐止一日一熏惟食白
粥七日後以羊肉羹補

女人病邪 與邪物交通自言自語悲思恍惚者

雄黃一兩松脂二兩溶化以虎爪攪之丸如彈子大夜燒籠中令婦坐其上以被蒙之露頭在外不三劑自斷仍以雄黃人參五味子等分為末每旦井水服之

喉閉

竹紙滲巴豆令滿作紙捻點燈旋之以烟熏喉間即吐惡血而消或刺入喉間出紫血亦愈蓋咽喉病發于六腑者引手可探及刺破喉血即已若發于五臟則受毒牢深手法藥力難到惟用紙捻為第一

舌脹出血

蓖麻取油醃紙捻燒烟熏之即腫脹皆消並治牛馬六畜舌脹

手汗

黃芪一兩葛根一兩荆芥三錢水煎湯一盆熱熏而溫洗三次即無汗

熏嗽

治風入肺久嗽者

鵝管石雄黃尉金穎花為末和艾用姜一片置舌上以藥艾于姜上灸之取烟入喉中愈

青布熏

惡瘡防水青布和蠟燒烟筒中熏之入水不爛瘡傷風水用青布燒烟于器中以器口熏瘡得惡汗出則痛癢瘡膿潰爛陳艾五錢雄黃二錢青布作大炷點火熏之水流數次愈

支太醫桃葉熏

水二石煮桃葉取七斗安床簣下厚被蓋卧床上乘熱熏之少時當雨汗汗遍去湯速粉之並灸大椎穴此法治天行病

貼法門

痢疾塞肚

萊豆

七粒胡椒七粒麝香一厘膠棗一枚共搗爛放瓶內包好患者取一丸貼

臍上宜用端午日合

小兒赤眼

黃連為末水調敷腳心

小兒熏舌 又名雀舌

巴豆

半粒飯粘四五粒

共搗為餅如黃豆大貼眉心中間待四圍起泡去

之即愈

收陰症傷寒

雞子放臍眼內一時一換四五換即愈矣陰氣盡收于內

止自汗

鬱金末卧時調塗乳上

截驚法

芭蕉油薄荷汁煎勻塗頭頂留顙門塗四肢留手足心勿塗甚效

嬰兒瘡疾

代赭石

五枚煨

紅醋淬硃砂五分砒霜一豆大同以紙包七重打濕煨

乾入麝少許為末香油調一字塗鼻上及眉心四肢神應

隔皮取膿

治諸般腫毒

鹽蹄

細切兩炒

一蔞麥麵

兩白鹽

五錢草烏

四錢去皮

石為末調作餅子慢火炙

黃出火毒研末醋調成膏用白紙攤貼患處毒自毛竅而出其腫自

退

痞塊

紅芥菜子不拘多少生姜汁浸一宿大約芥菜子一酒盃加麝香一

錢阿魏三錢搗爛如膏攤布上貼患處汗巾紮緊一宵貼過斷無不

消

牙齒疼痛

輕粉錢一大蒜一餅安胎骨前陷中先以銅錢隔了用蠟蓋定扎住
一宿愈左疼安右右疼安左 又左牙痛敷右大指腕上右痛敷左
截癰丹

斑蝥 巴豆肉 硃砂錢各一麝香分二雄黃一錢蟾酥分五黑棗三箇搗丸
如棗豆大貼眉心穴一周時揭下投長流水中

貼臍截癰

胡椒雄精等分研末將飯研爛為丸桐子大硃砂為衣將一丸放臍
中外膏藥貼之即止

難產仙方

草麻仁取白仁七箇麝香三分共一處搗如泥用絹帛包之勒在臍
中即時產下如倒生者用穩婆送進片時即順下

如神丹 治難產